

名醫類案

四卷

腫脹 吞酸 嘔吐

03206

吐酸 噎膈

痞滿 欬逆

名醫類案卷第四

新都篁南江確集一後學

仁和余集蓉裳  
錢塘魏之琇玉橫  
沈煨敦曾重校  
鮑廷博以文

# 癰亂

琇按謂其病狀揮霍悶亂為邪正交爭之病  
夏秋多有

江篁南治從叔於七月間得癰亂証吐瀉轉筋足冷多汗囊

縮一醫以傷寒治之增劇江診之左右寸關皆伏不應吐瀉

厥伏尺部極微口渴欲飲冷水是冷囊縮似屬厥陰口渴

無凝多汗症若少陰頭有汗則死矣乃以五苓散與之覺稍

定。向午猶渴以五苓加麥冬五味子滑石投之。足冷囊縮似宜急溫

霍亂

一知不足齋正本

然口渴飲冷又當清既非傷寒更以黃連香薷飲冷進一

服次早脉稍出按之無根人脫形且吃忒手足厥冷即當

飲食不入入則吐大便稍不禁為灸丹田八九壯囊縮稍

舒手足稍溫繼以理中湯二三服渴猶甚咽疼熱不解時

或昏沉乃以竹葉石膏湯投之而愈片藥圓轉當熟玩之所謂見病治病

江應宿治一婦人六月中旬病癰亂吐瀉轉筋一醫投藿香

正氣散加煩躁面赤揭衣臥地予診視脉虛無力身熱引

飲此得之傷暑宜辛甘大寒之劑瀉其火熱以五苓散加

滑石石膏吐瀉定再與桂苓甘露飲而愈凡治霍亂俱要辛熱寒涼並用

一僕夫燕京人縱酒飲食無節病癰亂吐瀉轉筋煩渴幾殆

時六七月淋雨。晝夜飲簷溜水數升而愈。千金方云。輕者水瘥。此偶合古方。予目擊其事。後路途中。及六合縣。見一人服新汲井花水。飲之良愈。

一人病癘亂。欲吐不吐。欲瀉不瀉。心腹絞痛。脈之沉伏如無。此乾癘亂也。急令鹽湯探吐。宿食痰涎。碗許遂瀉。非吐瀉則死。並

針刺手足。循心出血為度。與六和湯而愈。

琇按內傷外感俱能作瀉。惟虛寒者可溫補。餘則隨症施治。不可執一。

# 瀉

東垣治一人。一日大便三四次。澀而不多。瀉胃有特作瀉腹中

鳴。小便黃。以黃芪、柴胡、歸身、益智、陳皮各三分。升麻六分。

用藥病

五更泄

脾胃衰弱

炙甘草二錢。先生得手處在此。紅花少許。紅花少用入心養血作補火以生土引經妙。

一服名曰黃芪補胃湯。水二盞煎一盞。稍熱食前服之。

一人五更初曉時必澹泄一次。此名腎泄。以五味子二兩。吳

黃牛兩。即二神丸。用細粒綠色者。二味炒香熟為度。細末之。每

服二錢。陳米飲下。數服而愈。內經曰。腎者胃之關也。關門

不利。故聚水而生病也。

東垣云。子病脾胃久衰。視聽半失。此陰盛乘陽。加之氣短精

神不足。此由弦脉令虛。多言之過。陽氣衰弱。不能舒伸。伏

匿於陰中耳。又值淫雨陰寒時。人多病泄利。此溼多成五

泄故也。一日體重肢痛。大便泄并下者。三而小便秘瀯。思

其治法。按經云。大小便不利。無問標本。先分利之。又云。治溼不利小便。非其治也。皆當利其小便。必用淡味滲泄之劑。利之是其法也。噫。聖人之法。雖布在方冊。其不盡者可。以意求耳。今客邪寒溼之淫。從外而入。裏以暴加之。若從已上法度。用淡滲之劑。病雖卽已是降之。又降是益其陰。而重竭其陽。則陽氣愈削。而精神愈短矣。是陰重強。陽重衰。反助其邪也。故必用升陽風藥。以羌活、獨活、柴胡、升麻。各一錢。防風根半錢。炙甘草半錢。煎稍熱服。大法云。寒溼之勝。助風以平之。又曰。下者舉之。得陽氣升騰而去矣。又云。客者除之。是因曲而爲之直也。夫聖人之法。可以類。

積水症因通  
用法

脾濕下行  
因通

推舉一而知百也若不達升降浮沉之理而概施治其愈者幸也為後學廣開方便之門

子和治一人瀉利不止如傾衆以為寒治近二十載非虛寒可知

脈之兩寸皆滑子和不以為寒所以寒者水也以茶調散

湧寒水五七升又以無憂散瀉水數十行當有所去下乃愈次以

淡劑利水道後愈此通因通用法也

一僧藏腑不調三年不愈此洞瀉也以謀慮不決而致肝主

謀慮甚則乘脾溼下行乃上涌痰半盆又以舟車丸瀉

川散下數行仍使澡浴出汗自是日勝一日又常以胃風

湯白朮散調之

風客於胃

積痰疝

相虫作泻

郝允治夏英公病泄太醫皆為中虛郝曰風客於胃則泄言各

殆藁本湯證也夏駭曰吾服金石等藥無數泄不止其敢

飲藁本乎郝強進之泄止邵氏間見錄

丹溪治一老人右手風攣多年積痰見症九月內患泄瀉百藥不

效右手脉浮大洪數此太陰經有積痰肺氣壅遏不能下

降大腸虛而作瀉當治上焦治上焦妙用蘿蔔子搗和漿水蜜

探之而吐大塊膠痰碗許隨安

一富兒面黃善啖易飢非肉不食泄瀉一月脉大以為溼熱

當脾困而食少今反形健而多食不渴此必疝蟲也驗其

大便果有虵令其治蟲而愈至次年夏初復瀉不痛而口



治疴方所

脾胃

積痰在肺

乾朱曰昔治蟲而不治疴故也。以去疴熱之藥白木湯下。三日而愈。後用白朮為君。芍藥為臣。川芎、陳皮、黃連、胡黃連、入蘆薈為丸。白木湯下。禁肉與甜瓜。防其再舉。

一老人味厚傷脾常脾泄。芍藥酒炒一兩。白朮炒二兩。神曲一兩。山查一兩。五錢黃芩五錢。炒半夏一兩。湯泡為末。荷

葉飯丸。

一老人稟厚形瘦。夏末患泄瀉。至秋深治不愈。神不悴。溺澁少。不赤。脉澁。頗弦。膈微悶。食減。前案因手風攣見浮大洪數之脉以吐而愈瀉此案

脉瀼頗弦因膈微悶而因悟曰必多年沉積。澁在腸胃。詢用吐可見不憑在脉。

之嗜鯉魚。三年無一日缺。朱曰此痰積在肺。肺為大腸之

藏宜大腸之不回也。當澄其源而流自清。以茱萸、陳皮、青  
葱、薤白根、生薑、濃煎。和砂糖飲。一碗探吐痰。半升如膠利  
減半。次早又飲之。又吐半升。利止。與平胃散加白朮、黃連  
調理。旬日而安。

一人性狡躁。素患下疳瘡。或作或止。夏初患自利。膈微悶。醫

與理中湯。悶厥而甦。脉瀦重。取畧弦。而數。朱曰。此下疳之

深重者。與當歸龍會丸。去麝。四貼而利減。又與小柴胡。去

半夏。加黃連、白芍、川芎、生薑。數貼而愈。脉與前案同瀦弦。僅多數耳。外症膈

微悶亦同。而治法各別。宜細玩之。

一人暴氣脫。而虛頓渴。不知人口。眼俱閉。呼吸甚微。殆欲死。

急灸氣海。飲人參膏十餘觔而愈。煨按此案疑誤入此

呂滄洲治一人病下利完穀。眾醫咸謂洞泄寒中。日服四逆

理中等。彌劇。診其脉兩尺寸俱弦長。右關浮於左關一倍。入脾

逆其目外。皆如草滋。脉浮色青。非風而何。蓋知肝風傳脾。因成殮泄。

非藏寒所致。飲以小續命湯。減麻黃。加白朮三五升。痢止。

續命非止痢藥。飲不終劑而痢止者。以從本治故也。

一夫人病殮泄。彌年。醫以休息利治之。苦堅辛燥之劑。弗效。

時秋半。脉雙弦而浮。浮弦為風。曰夫人之病。蓋病驚風。非飲食

勞倦所致也。肝主驚。故虛風自甚。因乘脾而成泄。今金氣

正隆。尚爾。至明春病將益。益。加法當平木之太過。扶土之不

中暑作瀉

及而泄自止。夫人曰：儂寓南閩時，平章燕公以銅符密授。因失心懼，由是疾作。公言信然，以黃犢牛肝和以攻風健脾之劑服之，踰月泄止。

滑伯仁治一人，暑月患中滿泄瀉，小便赤，四肢疲困，不欲舉。自汗微熱，口渴，且素羸瘠。眾醫以虛勞將峻補之。伯仁診視六脉虛微，曰：此東垣所謂夏月中暑飲食勞倦法宜服清暑益氣湯，投三劑而病如失。

項彥章治南臺治書郭公，久患泄瀉惡寒，見風輒仆，日臥密室，以瓊蒙其首，熾炭助之，出語伊伊如嬰兒。諸醫作沉寒痼冷，治屢進丹附，不時驗。項診其脉，告曰：此脾伏火邪溼。

伏火邪濕熱

名醫類聚卷之六

瀉

六

熱下流非寒也法當升陽散火以逐其溼熱乃煮升麻澤瀉柴胡羌活等劑而繼以神芎九郭曰予苦久泄今復利之恐非治也項曰公之六脉浮濡而弱且微數濡者溼也數者脾有伏火也病由溼熱而且加之以熱劑非苦寒逐之不可法曰通因通用吾有所試矣頃之利如木屑者三四出即去鹽及炭病旋已

氣不運水

黃子厚治一富翁病泄瀉彌年禮致子厚診療浹旬不效子厚曰予未得其說求歸一日讀易至乾卦天行健朱子有曰天之氣運行不息故閣得地在中間如人弄棗珠只運之不住故在空中不墜少有息則墜矣因悟向者富翁之

如葉不效物乃

脾腎得

病乃氣不能舉以運水也。又如手持水滴吸水初以大指

按滴上竅則水滿筒放之則水下溜無餘乃豁然悟曰吾

能治翁症矣。即往至則為治。灸百會穴督脉未三四十

壯而泄瀉止矣。法妙

虞恒德治一人泄瀉日夜無度諸藥不效偶得一方用針沙

地龍猪苓三味共為細末生葱搗汁調方七貼臍上小便

長而瀉止

一人吐瀉三日垂死為灸天樞胃穴氣海任穴二穴立止

石山治一人於幼時悞服毒藥泄痢後復傷食腹痛大泄不

止今雖能飲食不作肌膚每至六七月遇服毒之時痛泄

復作善飢多食胸膈似冷夜間發熱嗜臥懶語聞淫慾言  
盜汗陽舉心動驚悸喉中有痰小便不利大便或結或溏  
過食則嘔吐瀉泄脉皆濡弱而緩右脉畧大尤覺弱次日  
左脉三五不調或一二至緩三五至駛右脉如舊緩弱左  
脉不調者此必淫欲動其精也右脉尤弱者由於毒藥損  
其脾也理宜固腎養脾遂以人參錢半白朮茯苓芍藥黃  
芪麥冬各一錢歸身澤瀉各八分黃柏知母山查各七分  
煎服旬餘而安

博按此案舊刻微悞

一人年五十餘形色蒼白五月間與人爭辨冒雨勞役受飢  
且有內事夜半忽病發熱惡食上吐下瀉昏悶煩躁頭身

俱癢此症頭身俱痛症之不可恃也如是夫因自發汗汗遂不止遺書云脉

皆洪數汪曰脉果洪數乃危症矣蓋吐瀉內虛汗多表虛

兼之脉不為汗衰亦不為瀉減在法不治但古人云治而

不活者有矣未有不治而活者令用人參五錢以救裏黃

芪五錢以救表白朮三錢乾薑七分甘草五分以和中安

胃白茯苓一錢陳皮七分以清神理氣用理中湯水煎不時溫

服一酒杯看其病勢如何服至六七貼則見紅斑後見斑

而四肢尤甚面赤身及四肢脹悶告急於汪汪曰斑症自

吐瀉者多吉謂邪從上下出也但傷寒發斑胃熱所致今

此發斑由胃虛而無根失守之火遊行於外也可補而不

可瀉可溫而不可涼妙斷宜詳味之若用化斑湯升麻元參之類

此亦補而不瀉也  
胃寒斑宜此  
胃寒斑宜此  
胃寒斑宜此



暑熱中

則死生反掌矣。仍令守前方。服十餘貼。諸症悉減。斑則成瘡。肢腫亦消而愈。傳按此案舊刻脫悞

一孩孟秋泄瀉。晝夜十數度。醫用五苓散。香薷飲。胃苓湯。加肉蔻。罔效。汪曰。此兒形色嬌嫩。外邪易入。且精神倦怠。明是胃氣不足。而為暑熱所中。胃虛挾暑。安能分別水穀。今專治暑而不補胃。則胃愈虛。邪亦著。而不出。經曰。壯者氣行則愈。怯者著而成病。是也。令濃煎人參湯飲之。初服三四匙。精神稍回。再服半盞。泄瀉稍減。由是繼服數次。乳進而病愈。

虞雍公并甫。紹興間。自渠州守召至。行在憇北郭外。接待院。因道中冒暑。得泄痢。連月重九。夢至一處。類神仙居。一人

神人傳方物  
多治暑泄

陰氣侵入

被服如仙。官延之坐視。壁間有韻語藥方一紙。讀之數遍。其詞曰：暑毒在脾。溼氣連脚。不瀉則痢。不痢則瘡。獨煉雄黃蒸餅和藥甘草作湯服之。安樂。別作治療醫家大錯。用

已見奇驗

夢回尚能記。卽錄之。蓋治暑泄方也。如方服遂愈。

乾道中江西有一士人赴調都下。遊西湖民間一女子明豔動人。求之於其父母。重幣不納。歸家不復相聞。又五年赴調尋舊遊。茫無所覩。悵然空還。忽遇女子於中途。呼揖問訊甚喜。扣其徒舍之由。女曰：我久適人。夫坐庫事繫獄。未解。子能過我茶否。士欣然並行過旅館。女曰：此可棲止。無庸至吾家。雷半歲將欲拔以偕逝。女始斂衽曰：向自君去。

冷疾作序

脾土受濕

憶念之苦感疾而亡今非人也無由陪後乘但陰氣侵君  
深當暴瀉宜服平胃散補安精血士聞語驚惋曰藥味皆  
平何得功效女曰中用蒼朮去邪氣乃爲上品夷堅志

有人每日早起須大瀉一行或時腹痛或不痛空心服熱藥  
亦無效後一智者察之令於晚食前更進熱藥遂安如此  
常服竟無恙蓋暖藥雖平且空服至晚藥力已過一夜陰氣  
何以敵之於晚間再進熱藥則一夜暖藥在腹遂可以勝  
陰氣凡治冷疾皆如此例

有人久患泄瀉以暖藥補脾及分利小水百法治之不愈醫  
診之心脉獨弱以益心氣藥補脾藥服之遂愈蓋心火也

風冷

肝

暴下

脾土也。火生土。脾之旺賴火之燥。此少火生氣之說。心氣不足則火不燥。脾土受溼故令泄瀉。今益心補脾而又能去溼豈有不效者。

有人患泄瀉作冷作積作心氣不足治之及服硫黃附子甚多皆不效因服火杓丸而愈此腸胃有風冷也胃風湯兼服煖藥亦佳。

有人患脾泄諸治不瘥服太山老李炙肝散而愈乃白芷升胃

白朮白芍平肝桔梗四味也醫餘

歐陽文忠公常患暴下國醫不能愈夫人云市人有此藥三文一貼甚效公曰吾輩藏府與市人不同不可服夫人使

以國醫藥雜進之一服而愈召賣者厚遺之求其方但用  
車前子一味為末米飲下二錢七云此藥利水道不動真氣  
水道利清濁分穀臟自止矣良方

一男子夜數如廁或教以生薑一兩碎之半夏湯洗與大棗  
各三十枚水一升磁瓶中慢火燒為熟水時時呷之數日  
便愈蓋半夏今人惟知去痰但不言益脾蓋能分水故也  
脾惡溼溼則濡而困困則不能制水經曰溼勝則瀉是也  
程明祐治一人下泄勺水粒米不納服湯藥即嘔程診之曰

病得之飲酒脾惡溼湯藥滋溼矣以參苓白朮和粳米為  
糕食之病旋已所以知其人溼得之飲酒過多切其脈濡

緩而弱脾傷於溼也

薛立齋治進士劉華甫停食腹痛泄黃吐痰服二陳山梔黃

連枳實之類其症益甚左關弦緊諸緊為寒右關弦長乃肝木

剋脾土用六君加木香治之而愈若食已消而泄未已宜

用異功散以補脾胃如不應用補中益氣升發陽氣凡泄

利色黃脾土虧損直氣下陷必用前湯加木香豆蔻溫補

如不應當補其母宜八味丸

光祿柴黼蒼善飲泄瀉腹脹吐痰作嘔口乾此脾胃之氣虛

先用六君加神曲痰嘔已止再用補中益氣加菝葜半夏

瀉脹亦愈此症若溼熱壅滯當用葛花解酲湯分消其溼

脾胃氣虛

腸胃濕痰

脾腎虛寒

溼既去而瀉未已須用六君加神曲實脾土化酒積然雖因酒而作實緣脾土虛弱不可專主溼熱

錢可久素善飲面赤痰盛大便不實此腸胃溼痰壅滯用二陳苓連山梔子枳實乾葛澤瀉升麻一劑吐痰甚多大便始實此後日以黃連三錢泡湯飲之而安但如此稟厚不多耳

薛已治一儒者善飲便滑溺瀦食減胸滿腿足漸腫症屬脾腎虛寒用加減金匱腎氣丸食進腫消更用八味丸胃強脾健而愈

一羽士停食泄瀉自用四苓黃連枳實麩蘗益甚薛曰此脾

腎泄也。當用六君加薑桂送四神丸。不信。又用沉香化氣丸一服。臥牀不食。咳則糞出。幾至危。始終踐薛言。愈蓋化氣之劑。酸厲猛烈。無經不傷。無臟不損。豈宜輕服。

一人年六十而帶赤色吐痰口乾。或時作瀉。春就診。謂薛曰。僕之症。或以為脾經溼熱。痰火作瀉。率用二陳黃連枳實。神曲麥芽白朮柴胡之類。不應何也。薛脈之左關弦緊。腎水不能生肝木也。右關弦大。肝木乘脾土也。此乃脾腎虧損。不能生剋。制化當滋化源。不信。薛謂其甥朱太守陽山曰。令舅不久當殞於痢。次年夏果患痢而歿。

長洲朱紹患肝木剋脾土。面赤生風。大臟燥結。炎火衝上。久



之遂致臟毒下血腸鳴溏瀉腹脹喘急馴至絕穀瀕殆諸  
醫方以枳實黃連之劑投之輾轉增劇薛診之曰此脾腎  
兩虛內真寒而外虛熱法當溫補遂以人參白朮爲君山  
藥黃芪肉果薑附爲臣茱萸骨脂五味歸苓爲佐治十劑  
俾以次服諸醫皆曰此火病也以火濟火可乎服之浹旬  
盡劑而血止諸疾遄已先是三年前先生過紹謂曰爾面  
部赤風脾胃病也不治將深紹怠緩以須疾發又惑於衆  
論幾至不救

羅山人治王厚宇一婢年三十餘長夏患泄瀉身涼四肢厥  
冷晝夜數次皆完穀不化清水如注飲食下咽卽泄出不

件寒之厚爲  
川大所乘

去夏及世浮身涼肢厥冷完谷不化非命門火衰而益也乃脾虛受濕為肝木所乘五苓散加減甚妙此庸手所能也。

者令受熱

變已經六七日。一醫用藥不效。謂腸直。症在不治。請羅視

之六脈沉伏無力。而澁乃脾虛受溼為肝木所乘。乃五泄

之一。非怪証也。法當健脾。踈風。燥溼。升提。其下陷之氣。以

五苓散。加蒼木。羌活。防風。炮薑。半夏。厚朴。芍藥。加藥一服

十去七八。再以二陳。加二木。砂仁。白芍。厚朴。麴蘖。調理數

劑而安。

程仁甫治一婦人七十歲。清閒厚味。六月患吐瀉腹痛。口渴

倦怠。三日夜不止。先醫用藿香正氣散不效。程診六脈滑

數不勻。曰暑令西照受熱明矣。吐瀉三日夜脾胃傷矣。用

六君。去甘草。加麥芽。山查。薑連。藿香。烏梅。煎熟徐徐服之。

寒涼傷脾胃

溼傷脾病

再用香連丸頓止

江篁南治一人病瀉困倦胸滿脹江切其脉告曰此寒涼傷脾胃也以四君加陳皮香附山查枳實薑棗蓮實數劑而安病者曰某嘗夏秋患滯下已而作瀉腹痛醫以茱萸補骨脂作丸服三四兩不效更醫以三黃丸服過五兩食減又更一醫以菊花苓連等藥投之一日作七八度遂病如是所以知其人脾胃傷者六脉浮大而右關尤甚也論脉妙

江應宿治余氏僕年十七歲五月初患泄瀉至六月骨瘦如柴粒米不入者五日矣將就木診其脉沉細濡弱而緩告其主曰溼傷脾病也用五苓散加參朮各三錢不終劑而

腎虛脾中積熱  
病

氣劑神方

索粥三劑而愈。

黃水部新陽公患脾腎泄十餘年五鼓初必腹痛數如廁至辰刻共四度已午腹微痛而泄凡七八度日以爲常食少倦怠嗜臥診得右關滑數左尺微弦無力此腎虛而脾中有積熱病也投黃連枳朮丸腹痛除漸至天明而起更與四神丸八味丸滋其化源半年飲食倍進而泄瀉遂除矣  
琇按經名腸澼又名滯下亦內傷外感病所由作也

# 痢

唐貞觀中張寶藏爲金吾長上嘗因下直歸櫟陽路逢少年畋獵割鮮野食倚樹歎曰張寶藏身年七十未嘗得一食

酒肉如此者可悲哉。傍有僧指曰：六十日內官登三品，何足歎也。言訖不見。寶藏異之。卽時還京師。太宗苦氣痢，諸治不效。卽下詔問殿庭左右有能治者，重賞之。寶藏曾困其疾，卽具疏以乳煎華撥方上服之，立瘥。宣下宰臣與五品官魏徵難之。逾月不進，擬上疾復發。問左右曰：吾前飲乳煎華撥有功，復命進之一啜，又平。因思曰：嘗令進方人五品官，不見除授，何也？徵懼曰：奉詔之際，未知文武二吏上怒曰：治得宰相不妨，已授三品官。我天子也，豈不及汝耶？乃厲聲曰：與三品文官授鴻臚寺卿，時正六十日矣。其方每服用牛乳半升，華撥三錢，七同煎減半，空腹頓服。獨

寒滑氣泄不固而成

東垣治一老僕面塵脫色神氣特弱病脫肛日久服藥未效復下赤白膿痢作裏急後重白多赤少不任其苦求治曰

此非肉食膏粱必多蔬食或飲食不節天氣雖寒衣蓋猶

薄不禁而腸頭脫下者寒也真氣不禁形質不收乃血滑

脫也此乃寒滑氣泄不固故形質下脫也妙斷當以澁去其

脫而除其滑微醋之味固氣上收以大熱之劑而除寒水

復以補氣之藥升陽益氣用御米殼去蒂萼蜜炒橘皮已

上各五分乾薑炮六分訶子煨去核七分為細末都作一

服水二盞煎減半空心熱服從來痢無止法此案當玩神

各段重見其來其四 痢

十五

腸澼下血二症

之無方  
體也

一人腸澼下血另作一派其血啣出有力而遠射四散如篩  
春中血下行腹中大作痛乃陽明氣衝熱毒所作也當升  
陽去溼熱和血脈以陳皮二分熟地歸身蒼朮秦艽桂各  
三分生地丹皮生甘草各五分升麻七分炙甘草黃芪各  
一錢白芍一錢五分名曰升陽去熱和血湯作一服水四  
盞煎至一盞空心稍熱服

一人腸澼下血色紫黑腹中痛腹皮惡寒右關弦按之無力  
而喜熱物熨之內寒明矣以肉桂一分桂枝四分丹皮柴  
胡葛根益智仁半夏各五分歸身炙甘草黃芪升麻各一

中宮不和痢

傷冷痢

錢白芍一錢半。乾薑少許。名曰益智和中湯。都作一服水。三盞煎至一盞。溫服。

一人太陰陽明腹痛。大便常泄。若不泄。即秘而難見。在後傳作溼熱毒。下鮮紅血。腹中微痛。脇下急縮。脉緩而洪。弦中之下得之。按之空虛。以蘇木一分。藁本益智各二分。熟地炙甘草三分。當歸身四分。升麻柴胡各五分。名曰和中益胃湯。作一服。空心溫服。

一人因傷冷。飯水飲。一夜十數行。變作白痢。次日其痢赤白。腹中疝痛。減食。執躁。四肢沉困。無力。以生黃芩三分。當歸身四分。肉桂炙甘草各五分。猪苓茯苓各六分。澤瀉一錢。



白芍一錢半、蒼朮、生薑、升麻、柴胡各二錢，分作二服，食前稍熱服。

海藏治楊師三朝三大醉至醒發大渴飲冷水三巨杯，次又

飲冷茶三碗，後病便鮮血四次，約一盆，先以茱萸丸翌

日又與平胃五苓各半散三服，血止復變白痢，又與神應丸

四服，白痢乃止，其安如初，或曰何為不用黃連之類以解

毒所用者溫熱之劑，海藏曰若用寒涼其疾大變難療，寒

毒內傷復用寒藥非其治也，況血為寒所凝，浸入腸間而

便下得溫乃行，所以用溫熱其血，自止經曰治病必求其

本，此之謂也，胃既溫其血不凝而自行，各守其鄉也。

飲冷成痢論嘉言  
曰及月無飲冷免  
下秋痢以此謂也

暑月忌黃連。伏陰在內故也。而况久病乎。四月及五月。陰生。五月。陰生。六月。陰生。七月。陰生。八月。陰生。九月。陰生。十月。陰生。十一月。陰生。十二月。陰生。不可用也。心火不不。知。

冷痢症

白

衍義云。有一男子。暑月患血痢。醫妄以涼藥逆治。專用黃連。阿膠。木香。治之。此藥始感。便治則可。今病久。腸虛。理不可服。踰旬。幾至委頓。故曰。理當別藥。知是論之。誠在醫之通變矣。循經則萬無一失。引此為例。餘皆倣此。暑月久血痢。不用黃連。陰在內也。

宋孝宗初。患痢。眾醫不效。德壽憂之。過青宮。偶見小藥肆。遣使問其能治痢否。對曰。專科。遂宣之。請得病之由。語以食湖。蠅多。故致此疾。遂令診脈。曰。此冷痢也。遂進一方。用蓮藕一味。不拘多少。取新採者為佳。細搗取汁。以熱酒調服。搗時用金杵。白酒調服。數次而愈。德壽大喜。就以金杵白

飲冷酒成痢

寒濕成痢

賜之。仍命擢醫官。人呼為金杵白。嚴防禦家云。仇遠稗史

蔡政、陸公容嘗於客座聞一醫者云：酒不宜冷飲。陸頗訝之。謂其未知丹溪之論而云然耳。二三年後秋間陸偶得痢疾。延此醫治之。云公得非多飲冷酒乎。陸以實告。謂信丹溪之論。暑月常飲冷醇酒。醫云：丹溪但知熱酒之為害而不知冷酒之為害尤甚也。服藥數劑而止。

羅謙甫治廉臺王千戶。年四十五。領兵鎮漣水。此地卑溼。因勞役過度。飲食失節。至秋深瘡痢並作。月餘不愈。飲食全

減。形羸瘦。仲冬輿疾歸。羅診脈。弦細而微。如蛛絲。身體沉

重。手足寒逆。寒也。時復麻痺。虛也。皮膚痲疥。如癩風之狀。無

新書卷之...

...

...

...

力以動心腹痞滿嘔逆不止皆寒溼為病久淹斷之寒溼妙宜細玩

之真氣衰弱形氣不足病氣亦不足鍼經云陰陽皆不足也

鍼所不為灸之所宜內經曰損者益之勞者溫之十劑云

補可去弱先以理中湯加附子溫養脾胃散寒溼澁可去

脫養臟湯加附子固腸胃止瀉痢仍灸諸穴以併除之經

云府會太倉即中院也先灸五七壯以溫養脾胃之氣進

美飲食次灸氣海百壯生發元氣滋榮百脉充實肌肉復

灸足三里胃之合也三七壯引陽氣下交陰分亦助胃氣

後灸陽輔足少陽二七壯接續陽氣令足脛溫煖散清溼

膽穴

之邪迨月餘病氣去神完如初

...

...

...

臟氣不和痢宜行  
清和氣而愈

瀉瀉痢腹痛良方

傷食成痢

有人患痢赤白兼下或純白純赤白藥不愈者病久服藥已

多治痢多用毒藥攻擊致臟氣不和所以難愈史載之用

輕清和氣藥與之遂愈屢試有驗病久百藥不愈所以清補取效若初起則又當

別論其方用罌粟殼蜜炙人參白朮茯苓川芎甘草炙黃芪

等分爲細末二錢水一盞生薑棗烏梅半箇煎八分溫不

拘時

憲宗賜馬總治瀉痢腹痛方以生薑和皮切碎如粟米大用

一大盞并芽茶相等煎服之元祐二年文潞公得此疾百

藥不效用此方而愈

丹溪治一小兒八歲下痢純血作食積治用蒼朮白朮黃芩

過銳傷胃成痢

脾旺痢也

瘀血痢

白芍滑石茯苓甘草陳皮神曲煎湯下保和丸。

一人患痢後甚逼迫正合承氣症朱曰氣口脉虛形雖實而面黃稍白必平昔過飽胃傷遂與參朮陳皮芍草等補藥十餘貼三日後胃氣稍完與承氣湯二貼而安若不先補雖愈未免瘦憊。

一人患痢善食易飢朱曰當調補自養豈可恣味戕賊合用熟薤蔔啜粥調理而安。

一人患病久不愈脉沉細弦促右為甚日夜數十行下清涕有紫黑血絲食少朱曰此瘀血痢也凡飽食後疾便作經力叫號毆跌多受疼痛大怒不泄補塞太過火酒火肉皆

因酒作痢

飲水過多受病

致此病。此人以非罪受責。故也。乃以乳香、沒藥、桃仁、滑石、佐以木香、檳榔、神曲、糊丸。米飲下百丸。再服。大下穢物。如爛魚腸。二三升。愈。此方每用之。不加大黃。則難下。

一老人面白。脉弦數。獨胃脉沉滑。因飲白酒作痢。下淡水。膿血腹痛。小便不利。裏急後重。參朮為君。甘草、滑石、檳榔、木香、蒼朮為佐。使煎湯下保和丸三十粒。次日前症俱減。獨小便未利。以養元散服之而愈。

一人飲水過多。腹脹瀉痢。帶白。用蒼朮、白朮、厚朴、茯苓、滑石煎湯下保和丸。

一人年踰五十。夏間患痢。腹微痛。所下褐色。後重頻。併食減。

寒寒症

或微熱脉弦而澁似數且稍長喜不浮大兩手相等神氣大減朱曰此憂慮所致心血虧脾氣弱耳以參朮爲君歸身陳皮爲臣川芎白芍炒茯苓爲佐使時暄熱甚少加黃連二日而安

寒寒症

一壯年奉養厚夏秋患痢腹大痛或令單煮乾薑與一貼痛

定屢痛屢服之而定八日服乾薑三觔左脉弦而稍大似

數右脉弦而大稍減亦似數重取似緊朱曰必醉飽後食

寒涼太多當作虛寒治之因服乾薑多以四物去地黃加

參朮陳皮酒紅花茯苓桃仁煎入薑汁飲之一月而安

一婦年近四十秋初尚熱患痢腹隱痛夜重於日全不得臥

寒寒症



虛食減口乾不飲已服靈砂二貼矣兩手脉皆濇且不勻  
憊甚飲食全減用四物湯倍加白朮為君陳皮佐之十貼  
愈以上三症乃大虛寒者若因其逼迫而用峻劑豈不誤  
哉

因怒患痢又况賢

弱多怒其人陰虛  
火燥宜宜稍因氣而  
清燥不宜過補

一人年五十質弱多怒暑月因怒後患痢口渴自飲蜜水  
瘰瘵數日後脉稍大不數令以參朮湯調益元散飲之痢減  
數日後倦甚發欬逆知其久下陰虛令守前藥痢尚未止  
以煉蜜與之眾欲用薑附朱謂陰虛服之必死待前藥力  
到自愈又四日欬逆止痢除

滑伯仁治二婢子七八月間同患滯下診視一婢脉鼓急大

痢症脈見數急  
大熱常渴為不  
之症宜慎之。

寒症之痢有嘔

噦不食以急宜

溫補則必生花

矣夫症若用寒涼

十有九死臨發手

足搖擗角弓反

用逐寒湯為湯

重加參附以

十散二散之

不治痢而收陰寒

之脫學古於此

熱喘悶曰此婢不可療一婢脈洪大而虛軟微熱亦當解  
表且小便利滑曰此婢可治即下之已而調以苦堅之劑  
果一死一愈

一婦盛暑患洞泄厥逆惡寒胃脘當心而痛自腹引脇轉為  
滯下嘔噦不食人以中暑霍亂療之益劇櫻寧生論其脈  
三部俱微短沉弱不應呼吸曰此陰寒極矣不亟溫之則  
無生理內經雖曰用熱遠熱又曰有假其氣則無禁也於  
是以薑附溫劑三四進間以丹藥脈稍有力厥逆漸退更  
服薑附七日諸症悉去遂以丸藥除其滯下而臟腑自安  
矣

脾虛不統血  
宜溫補脾胃

血不行於四肢而  
入於筋脈由其  
滲入腸胃而下  
故患血痢此解  
異於前入一說

劉宗序治一富人年三十時七月間患血痢日夜百餘度

百餘度即當溫補肚腹中疴痛醫悉用芩連阿膠粟殼之劑皆不

效反增劇劉脉之曰脾胃受傷苦用寒涼病安得愈投以

四君子湯加乾薑附子其夕病減半旬日而愈或問其故

劉曰病者夏月食冰瓜果太多致令脾胃傷冷血不行

於四肢八脉滲入腸胃間而下吾所用附子乾薑補中有

發散其所傷冷毒故得愈也王汝言雜著有云芩連芍藥

為痢疾必用之品豈其然乎此脾胃傷冷致痢禁用寒涼

也

傅滋治一人年近四十患下血或以痔治百方不效詢之因

下血症似痢症

酒痢為痛

氣血滯鬱成痢

痢久脾胃大虛

厚味所致因悟此必食積也遂以保和丸加白朮服之加白朮即大漸愈後又治數人皆驗

有人日飲酒遂成酒痢骨立不食但飲酒一二盞痢作幾年矣因與香茸丸一兩服遂止蓋麝能治酒毒也

壺仙翁治四川高太守命婦病滯下腹痛腰脹召翁診其脉

曰此氣血滯鬱而然當調經和氣經調氣和則痢自止所

以知其病者切其脉沉而滯循其尺尺瀋沉滯則氣不和

瀋則精血傷病得積菟而強食故氣血俱傷乃投以四物

五苓木香痛少止倍當歸經通而滯下已

虞恒德治一人年五十夏秋間得痢疾月餘服藥而少愈穢

致候糟粕不實  
氣下降所以脫肛  
宜做補中益氣煎  
四君湯而愈

積已盡但糟粕不實晝夜如廁六七次兼脫肛不安又半  
月諸藥不效虞以祖方用池塘中鼈一箇如法修事多用  
生薑米糲作羹入砂糖一小塊不用鹽醬熟煮啣一二碗  
三日不登廁大腸自此實矣肛門亦收而不脫蓋此症緣  
脾土受虛致肺與大腸俱失化源之所滋養故大腸不行  
收令也此母令子虛耳鼈乃介蟲屬金有土性溫能補脾  
肺又況肺惡寒先得苓連等寒涼之味已多今用生薑之  
辛以補肺金用砂糖之甘以補脾土肺氣既實其大腸亦  
隨而實故得以行收令也

一婦病滯下晝夜五十餘起後重下迫且姪九月衆醫率爲

妊婦日痢症

氣脫成痢

久病胃弱食不  
吐成痢

清暑散滯痛苦尤甚滑診之曰須下去滯衆以妊難之滑  
曰經云有故無損亦無損也動則正產乃以消滯導氣丸  
藥進之得順利再進滯去繼以清暑利溲苦堅之劑病愈  
而孕果不動足月乃產

徐可豫治會稽老鍊植病寒疾十七日變滯下一晝夜百餘  
度他醫視疾曰元氣脫矣已而徐切脉告曰頃吾於西門  
視一劇證其脉與公等然公七日當起彼不出三日當殂  
遂投劑至期果獲平復而越三日者殂矣

汪石山治一婦病痢瘦弱久伏枕粥食入胃即腹痛嘔吐必  
吐盡所食乃止由是粒食不下咽者四十餘日醫皆危之

汪診曰病與脉應無慮也。不勞以藥。惟宜飼以米飲。使胃常得穀氣。白露節後。症當獲安。如期果愈。

一婦人年踰五十。病痢半載餘。醫用四物涼血之劑。及香連丸。愈增。胃脘腹中痛甚。裏急後重。下痢頻併噎氣。亦或欬嗽。遍身煩熱。汪診之。脉皆細弱。而數曰。此腸胃下久而虛也。醫用寒涼。愈助降下之。令病何由安。經云。下者舉之。虛者補之。以參朮為君。茯苓芍藥為臣。陳皮升麻為佐。甘草為使。研末。研末妙。胃虛非煎劑所宜。每服二錢。清米飲調。下一日二次。或三次。乃安。

一人八月患滯下。醫用調胃承氣。大承氣湯。下之不利。汪視

氣滯作痢

氣虛作痢

之面色痿黃食少無味大便不通惟後重甚痛脉皆細弱  
 近滑細弱為氣滯為氣滯右脉覺弱汪曰此氣滯非血滯也醫用硝  
 黃利血宜其氣滯於下而愈不通矣遂令吞黃連清熱阿膠  
 養血九再用蓮子升麻提氣白芍黃芩枳殼行滯歸身煎服而安  
 後用白朮人參各二兩白芍陳皮山查各一兩為末粥丸  
 常服調理

石山兄年踰六十蒼古素健九月患滯下自用利藥三貼病減  
 延至十月後重未除滯下未止診之脉皆濡散頗緩初用  
 人參二錢歸身升麻白芍桃仁黃芪各一錢檳榔五分煎  
 服後重已除再減桃仁檳榔加白朮錢半滯下亦定惟糞

名醫遺集卷之六 痢

二四



門深入寸許近後尾閭穴傍内生一核如梅頗覺服痛不爽汪曰此因努責氣血下滯於此耐煩數日膿潰自安果如所言後服槐角丸痔痛如故仍用人參三錢歸芪升麻等劑而愈。

一人病滯下腹痛後重日夜四五十行診之脉皆濡弱近駛駛為血熱曰此熱傷血也以四物加檳榔大黃下之四五行腹痛稍減後重不除仍用前方除大黃服十餘貼繼吞香連丸獲安。

吳菱山治一婦長夏患痢痛而急迫其下黃黑色諸醫以薤苓湯倍用枳殼黃連其患愈劇吳診其脉兩尺緊諸緊而為寒

因食蠲蓄毒作痢

瀉瀉為血少知寒傷榮也。問其病由。乃行經之時。因渴飲冷水。

一碗。遂得此症。蓋血被冷水所凝。瘀血歸於大腸。熱氣所。

以墜下。故用桃仁承氣湯。內加馬鞭草。元胡索。何以不一加桂。

服次。早下黑血升許。痛止。臟清。次用調脾活血之劑。其患。

遂痊。此蓋經凝作痢。不可不察也。此案奇。有下痢色如墨者。

俞子容治王一山。年六十餘。因多食蠲蓄毒。在藏秋患大便。

膿血。日夜三四十度。醫率用止血之劑。不效。延及半載。氣。

血漸弱。飲食漸減。肌肉漸瘦。服熱藥。則腹愈痛。血愈下。服。

涼藥。則瀉注。諸醫技窮。如遇此症。溫涼不效。當思調元化毒。俞治之。遂用人。

參一兩。椿白皮五錢。甘草一錢半。一服。病減十之五。二服。

脾虛作痢

停食成痢

飲食如常。脈息平和矣。

薛已治一婦人。五月患痢。日夜無度。虛小腹墜痛發熱惡寒。用六君子湯送香連丸。二服漸愈。仍以前湯送四神丸。四服全愈。至七月中怠惰嗜臥。四肢不收。體重節痛。口舌乾燥。飲食無味。大便不實。小便頻數。灑淅惡寒。悽慘不樂。此脾肺之虛。而陽氣寒不伸也。用升陽益胃湯而痊。

少宗伯顧東江。停食患痢。腹痛下墜。或用疏導之劑。兩足腫脹。飲食少。體倦煩熱作渴。脈洪數。按之微細。以六君加薑桂各二錢。吳萸五味各一錢煎熟冷服之。睡覺而諸症頓退。再劑全退。此假熱而治之以假寒也。

嘔吐不食痢

熱渴痢

太常邊華泉公嘔吐不食腹痛後重自用大黃等藥一劑腹痛益甚自汗發熱昏憤脉大虛用參朮各一兩炙甘草炮薑各三錢升麻一錢一服而甦又用補中益氣加炮薑二劑而愈

延評曲汝為食後入房翌午腹痛去後似痢非痢次日下皆

膿血煩熱作渴神思昏倦用四神丸一服頓減又用八味

丸料加五味吳萸骨脂肉蔻二劑全愈非痢必大小便牽痛如無大小便牽

痛初起豈有投四神丸之理此案不過指學者之迷耳因例變通在乎人之神明不然死於立齋先生言下矣

通判汪天錫年六十餘患痢腹痛後重熱渴引冷飲食不進

用芍藥湯內加大黃一兩四劑稍應仍用前藥大黃減半

似痢非痢

因怒成痢

數劑而愈此等元氣百無一二此說在膏梁自奉者則然非可以概天下之病也

一老人素以酒乳同飲去後似痢非痢胸膈不寬用痰痢等

藥不效薛思本草云酒不與乳同飲為得酸則凝結得苦則

行散乃以茶茗為丸時用清茶送三五丸不數服而瘥

一老婦食後因怒患痢裏急後重屬脾氣下陷與大劑六君

加附子肉蔻煨木香各一錢吳茱萸五分骨脂五味各一

錢五分二劑諸症悉退惟小腹脹悶此肝氣滯於脾也與

調中益氣加附子木香五分四劑而愈後口內覺鹹此腎

水泛與六味地黃丸二劑頓愈此等治法何由真知其屬脾氣下陷不明言所以然

之故實足以誤後學

淋示口痢

淋示口神方

薛母年八十仲夏患痢腹痛作嘔不食熱渴引湯手按腹痛

稍止脉鼓指

即鼓指已屬虛況八十之老人耶

而有力真氣虛而邪氣實

也急用人參五錢白朮茯苓各三錢陳皮升麻附子炙甘

草各一錢服之睡覺索食脉症頓退再劑而安此取症不

取脉也凡暴病毋論其脉當從其症

亦有暴病當從脉者

石閣老太

夫人其年歲脉症皆同彼乃專治其痢遂致不起

方蔭山治一小兒八歲患滯下每夜百度食入即吐乃以乾

麩作果分作二片以一片中空之用木鱉子三箇去殼搗

如泥加麝香三厘填入果心貼臍上外以帕繫定用熱鞋

熨之噤口痢外

待腹中作響喉中知有香氣即思食能進

腹痛痢

是夜痢減大半二三日漸愈後以此藥治噤口痢多驗

江篁南治吳元靜患痢腹痛用煎藥下二次又用巴豆丸更

下二次即覺怕風不安下後非又感冒也然何以怕風曰肺大腸為表裏裏虛則表亦虛故

怕風雖然藥中必配解表之品五日後診之脉左三部俱弦右關浮弱而

濇証見惡風自汗肢節痛似表裏急後重用參芪歸朮枳

殼檳榔砂仁山查陳皮防風甘草扁豆神曲苳連木香加

薑一片一服遂不畏風汗止腹疼頓除後重亦減二服而

愈

江應宿治許翰林穎陽公令叔年六十三歲患血痢三越月

四肢面目浮腫血水淡如菟菜汁漏下不知諸藥不效粒

先血刺後禁口

米不進者五日診其脉沉細代絕沉細代絕豈有不用温補之理即告之曰六脉代絕而少陰脉久久如蛛絲至者胃中有寒溼也寒溼傷脾脾虛則不能攝血歸源而下行胃寒則不能食也投人參白朮各二錢為君茯苓澤瀉木瓜各八分為臣以補脾滲溼當歸五分和血炮薑附子為佐散寒溼甘草升麻舉下陷之元氣一七而飲食進再飲而血滅用樗根白皮人參等分為丸每空心滾水送三五十九三服而愈

琇按經曰諸逆衝上皆屬于火症用燥熱極宜詳慎

# 嘔吐

錢仲陽治王子病嘔泄他醫以剛劑加喘焉乙曰是本中熱



脾且傷燥之將不得前溲與之石膏湯王不信謝去信宿  
溲劇竟如言而效

滑伯仁治一婦病及胃每隔夜食飲至明日中晷皆出不消

化他醫悉試以暖胃之藥罔效滑視脉在朋肉下沉即且甚

微而弱竊揆眾醫用藥於病無遠何至罔效心歉然未決

一日讀東垣書謂吐證有三氣積寒也上焦吐者從於氣

中焦吐者從於積下焦從於寒脉沉而遲朝食暮吐暮食

朝吐小溲利大便秘爲下焦吐也法當通其秘溫其寒復

以中焦藥和之滑得此說遂復往視但大便不秘專治下

焦散寒以吳萸茴香爲君丁桂半夏爲佐服至二三十劑

而飲食晏如所謂寒淫所勝平以辛熱是也

丹溪治一人年五十餘因溼氣嘔吐酸水如醋素飲酒以二  
陳湯加白朮蒼朮砂仁藿香黃連二貼而安

一少年好酒每早嘔吐以瓜萸貝母梔子炒石膏煨香附南

星神曲炒山查一兩枳實薑黃蘿蔔子連翹石礮半兩升

麻二錢半神曲糊丸服

項彥章治建康萬天長廉君病醫投薑桂愈甚診其脉告曰

此得之酒病當噦作聲食入即出而後洩不利此關格病廉曰

然予生平所嗜燒酒乃進葛花解醒加黃芩飲三升所勢

減衆醫以藥性過寒交阻之項以論不協辭去歎曰實實

而虛虛過二月當入鬼錄矣果驗所以知廉病者切其脉  
細數而且滑數爲熱滑爲嘔爲胃有物酒性大毒大熱而  
反以熱劑加之是以火濟火也且溲秘爲陽結今反治故  
二月死也

史載之治朱思古眉州人年三十歲得疾不能食聞葷腥卽  
嘔惟用大鑄旋煮湯沃淡飯數數食之醫莫能治史曰俗  
輩不讀醫經而妄欲療人之疾可歎也君之疾正在素問  
經中名曰食挂凡人之肺六葉舒張而蓋下覆於脾子母  
氣暢則進食一或有戾則肺不能舒脾爲之敝故不嗜食  
故擬一方清氣潤肺爲治服之三日病者鼻聞肉味覺香

與食之甚美。此事宋人載於傳記。余考之岐黃書。皆無食  
桂之說。或記者假托耳。或史公大言以欺世歟。皆未可知  
也。

虞恒德治一婦年將三十產後因食傷致胃虛不納穀四十  
餘日矣。聞穀氣則惡心而嘔。聞藥氣亦嘔。求治。虞曰。藥不  
能入口。又將何法以治之乎。懇求不已。遂用人參、白朮、茯  
苓各一錢。甘草二分。陳皮、藿香、砂仁各五分。炒神曲一錢。  
十年以上陳倉米一合。順流水二大盞。煎沸。泡伏龍肝。研  
細攪渾。放澄清。取一盞。加薑棗同煎。前藥至七分。稍冷服。  
看他用藥。此藥遂納而不吐。別以陳倉米煎湯。時時嚙之。  
輕重之法。

日進前藥二三服漸能喫粥而安。後以此法治十數人悉驗。

汪石山治一人年三十形瘦淡紫纔覺氣壅腹痛背脹則吐腹中氣塊翻動嘈雜數日乃吐黑水一盥盆而作酸氣吐後嘔氣飲食不進過一二日方食大便二三日不通小便一日一次常時難向右侧臥。此症不同于弱症。午後怕食食則反飽脹痛行立坐臥不安日輕夜重二年後汪診之脉皆浮弦細弱曰此脾虛也脾失健運故氣鬱而脹痛吐黑水者蓋因土虛不能制水故膀胱之邪乘虛而侮其脾土經曰以

不勝侮其所勝是也酸者木之所司脾土既虛水挾木勢

而凌之焉。醫作痰治。而用二陳剛劑。則脾血愈虛。又作血治。而用四物柔劑。則是以滯益滯。又作熱治。而用黃連解毒。則過於苦寒。又作氣治。而用丁沉藿香。則過於香燥。俱不中病。辨駁精切詳明遂以人參三錢、黃芪一錢、牛歸身一錢、香附、陳皮、神曲各七分、黃芩、甘草各五分、吳萸三分煎服。旬餘又犯油膩病。作如前。而尤重。仍以前方加減。或湯或丸散服。至半年而愈。

薛已治大司馬王浚川嘔吐宿滯。臍腹痛甚。手足俱冷。脉微細。用附子理中丸一服。愈甚。脉浮大。按之而細。用參附湯一劑而愈。用而愈甚。復投而愈。始信藥力有輕重耳。今人用而不愈。卽不官再投矣。欲其疾之廖也。難哉。

趙吏部交卿患嘔吐不止吐出皆酸味氣口脉大於人迎二

三倍迎速薛投劑薛曰此食鬱在上宜吐不須用藥乃候其

吐清水無酸氣寸脉漸減尺脉漸復翌早吐止至午脉俱

平復不藥自愈

一儒者場屋不利胸膈膨悶飲食無味服枳朮丸不時作嘔

用二陳黃連枳實痰湧氣促加紫蘇枳殼喘嗽腹脹加厚

朴腹皮小便不利加檳榔蓬朮泄瀉腹痛悉屬虛寒用六

君加薑桂二劑不應更加附子一錢二劑稍退數劑十愈

六七乃以八味丸全愈博按此案舊刻脫悞

一上舍嘔吐痰涎發熱作渴胸膈痞滿或用清氣化痰降火

前症益甚痰涎自出薛曰嘔吐痰涎胃氣虛寒發熱作渴  
胃不生津胸膈痞滿脾氣虛弱須用參芪歸朮之類溫補  
脾胃生發陽氣諸病自退渠不信仍服前藥虛症悉至復  
請治薛曰飲食不入吃逆不絕泄瀉腹痛手足逆冷是謂  
五虛煩熱作渴虛陽越於外也脈洪大脈欲絕也死期迫  
矣或曰若然殞於日乎夜乎薛曰脈洪大殞於書果然

薛母太宜人年六十有五春三月飲食後偶聞外言忤意嘔  
吐酸水內熱作渴飲食不進惟飲冷水氣口脈大無倫面  
色青赤此胃中溼熱鬱火投之以藥入口輒吐第三日吐  
酸物第七日吐酸黃水十一日吐苦水脈益洪大仍喜冷



水此症得生以有鬱火耳故喜冷水以黃連煎湯冷飲少許至二十日加

白朮茯苓至二十五日加陳皮三十七日加當歸炙甘草

至六十日始進清米飲半盞漸進薄粥飲調理得愈

一婦人吞酸嘔腐嘔吐痰涎面色純白或用二陳黃連枳實

之類加發熱作渴肚腹脹滿薛曰此脾胃虛損未傳寒中

不信乃作火治肢體腫脹如蠱以六君加附子木香治之

胃氣漸醒飲食漸進虛火歸經又以補中益氣加炮薑木

香茯苓半夏兼服全愈

一婦人久患心腹疼痛每作必胸滿嘔吐厥逆面赤唇麻咽

乾舌燥寒熱不時而脉洪大此症與脉自當作虛治眾以痰火治之

屢止屢作。迨至春發熱。頻甚。用藥反劇。有欲用參朮等劑。或疑痛無補法。薛診而歎曰。此寒涼損真之故。內真寒而外假熱也。且脈息弦洪。有怪狀。乃脾氣虧損。肝脈乘之。而然。惟當溫補其胃。遂與補中益氣。加半夏。茯苓。吳萸。木香。一服而效。

一婦人年三十餘。忽不進飲食。日飲清茶三五碗。并少用水果。三年矣。經水過期而少。薛以爲脾氣鬱結。用歸脾加吳萸。不數劑。而飲食如常。若人脾腎虛而不飲食。當以四神丸治之。

一婦人年踰二十。不進飲食二年矣。日飲清茶果品之類。面

部微黃浮腫形體如常仍能履步但體倦忘肝脾二脉弦

浮按之微而結滯薛用六君子加木香吳萸見痰積甚多

用六君子而見痰積甚多得生在此飲食頓違形體始瘦臥牀月餘仍服六

君之類而安煨按以上二案但云不進飲食並無嘔吐之症何以入此

一人粥食湯藥皆吐不停灸手間使手間使穴手厥陰穴也在掌後三寸用同身

法寸三十壯若四肢厥脉沉絕不至者灸之便通此起死之

法于金方

江篁南治一婦人患嘔吐粒米不入者六日矣兼頭眩胸膈

如束而不紆診其脉沉弦而駛且無力王中陽治吐痰嘔症用滾痰丸因脉

長此脉無力作虛而協痰症不同脉亦不同此屬中氣虛按痰鬱耳以人參三

錢陳皮川歸各一錢加烏藥炒人乳竹瀝薑汁一服膈舒  
如解其束二服吐止能食十劑而安

江應宿治一婦人年近四十小產後嘔吐不食發寒熱他醫

作瘡治反增劇宿診之脉浮數按之無力此虛症虞恒德案亦產

後症無寒熱投六君加薑汁炒山樞煎調木香散嘔吐止

亦作瘡治熱不退用當歸養血丸補中益氣而愈

# 噎膈

俗名翻胃

齊王中子諸嬰兒小子病召臣意診切其脉告曰氣膈病病

使人煩懣食不下時嘔沫病得之少憂數忤忤音疑食飲

意即為之作下氣湯以飲之一日氣下二日能食三日即

病愈所以知小子之病者診其脉心氣也濁躁而經也此

絡陽病也脉法曰脉來數病去難而不一者病主在心周

身熱脉盛者為重陽重陽者邊邊音唐心主故煩懣食不

下則絡脉有過絡脉有過則血上出血上出者死此悲心所

生也病得之憂也脉法妙史記

華佗道見一人病噎嗜食而不得下家人車載欲往就醫佗

聞其呻吟駐馬往語之曰向來道傍有賣餅者蒜齏大酢

從取三升飲之病當自瘥即如佗言立吐蛇一條懸之車

邊欲造佗佗尚未還佗家小兒戲門前迎見自相謂曰客

車傍有物必是逢我翁也。疾者前入見佗壁北懸此蛇以  
十數。佗傳。

吳廷紹爲太醫令。烈祖因食飴喉中噎。國醫皆莫能愈。廷紹  
尚末知名。獨謂當進楮實湯。一服疾失去。羣醫默識之。他  
日取用皆不驗。或扣之。荅曰。噎因甘起。故以楮實湯治之。  
南唐書。

一村夫因食新筍羹。噎納間忽爲一噎。延及一年百藥不效。  
王中陽乃以葦撥麥芽炒青皮去穰。人參苦梗柴胡白朮  
南木香高良薑半夏曲共爲末。每服一錢水煎熱服。次日  
病家來報曰。病者昨已病極。自己津唾亦噎不下。服藥幸

納之胸中沸然作聲覺有生意敢求前劑況數日不食特  
遊氣未盡擬待就木今得此藥可謂還魂散也王遂令其  
搗碎米煮粥將熟卽入藥再煎一沸令啜之一吸而盡連  
服數劑得回生因名曰還魂散後以之治七情致病吐逆  
不定面黑目黃日漸瘦損傳爲噎症者多驗但忌油膩魚  
腥粘滑等物

外臺載昔幼年經患此病每食餅及羹粥等須臾吐出正觀  
中許奉御兄弟及柴蔣等時稱名醫奉勅令治窮其術不  
能療漸至羸憊危在旦夕忽一衛士云服驢溺極驗黃痺  
服牛尿效且服二合後食惟吐一半晡時又服二合人定時食  
亦同

粥吐卽定。迄至次日午時。奏之大內五六人。患翻胃同服。一時俱瘥。此粥稍有毒。服時不可過多。盛取及熱服二合。病深七日以來服之。良驗。本事方。

孫道秘傳翻胃方。州幹轄苦此病危甚。孫爲診之。數服愈。其法用一附子。去其蓋。剉中使淨。納丁香四十九粒。復以蓋覆之。線縛定。著真銀石器中。浸以生薑自然汁。及蓋而止。慢火煮乾。細末一錢。七糝舌上。漱津下。若煩渴。則徐食糜。

粥忌油膩生冷。累試累驗。類編。

廣五行記治噎疾。永徽中絳州有僧病噎數年。臨死遺言。令破喉視之。得一物似魚。而有兩頭。遍體悉是肉鱗。致鉢中。



跳躍不止以諸味投鉢中須臾化爲水時寺中刈藍作靛  
試取少靛置鉢中此蟲遠鉢畏避須臾化爲水是人以靛  
治噎疾多效良方

丹溪治一少年食後必吐出數口却不盡出膈上時作聲面  
色如平人病不在脾胃而在膈間其得病之由乃因大怒  
未止輒食麪故有此症想其怒甚則死血菟於上積在膈  
間礙氣升降津液因聚爲痰爲飲與血相搏而動故作聲  
也用二陳加香韭汁蘿蔔子二日以瓜蒂散敗醬吐之再  
一日又吐痰中見血一盞次日復吐見血一鍾而愈

一中年婦人中脘作痛食已乃吐面紫霜色兩關脈濇乃血病

也因跌仆後中脘卽痛投以生新血推陳血之劑吐血片  
碗許而愈

一中年婦人反胃以四物湯加帶白陳皮畱尖桃仁去皮生  
甘草酒紅花濃煎入驢尿以防生蟲與數十貼而安

一人勤勞而有艾妻且喜酒病反胃半年脉濇不勻重取大  
而無力便燥面白形瘦精血耗故也取新濫牛乳細飲之  
每次盡一杯晝夜五七次漸至八九次半月便潤月餘而  
安然或口乾蓋酒毒未解間飲以甘蔗汁少許一云先與  
六君子湯加附子大黃甘蔗汁飲之便潤乃以牛乳飲之  
二月而安

一人年四十病反胃二月不喜飲食或不吐或吐涎裏食出  
得吐則快脉瀼重取弦大因多服金石房中藥所致時秋  
熱以竹瀝御米御米卽罌粟米治反胃爲粥二三啜而止頻與之遂  
不吐後天氣稍涼以流水煮粥少入竹瀝與之間與四物  
加陳皮益其血月餘而安

一人咽膈間常覺物閉悶飲食妨礙脉瀼稍沉形色如常以  
飲熱酒所致遂用生韭汁每服半盞日三服至二觔而愈

一人不能頓食喜頻食一日忽咽膈壅塞大便燥結脉瀼似

真藏脉喜其形瘦面色紫黑病見乎冬却有生意以四物

湯加白朮陳皮濃煎入桃仁十二粒研再沸飲之更多食

諸般血以助藥力三十貼而知至五十貼而便潤七十貼而食進百貼而愈

一人食必屈曲下膈梗澁微痛脉右甚濇而關沉左却和此汚血在胃脘之口氣因鬱而爲痰必食物所致詢其去臘日飲剗剗酒三盞遂以生韭汁半盞冷飲細呷之盡二觔而愈已上三人皆滯血致病而脉濇應之乃噎膈之漸也一人止能喫稀粥一匙卽可下膈若雜啣一菜則連粥俱吐起居如常用涼膈散加桔梗服

虞恒德治一人年五十餘夏秋間得噎症胃脘痛食不下或食下良久復出大便燥結人黑瘦甚右關前脉弦滑而洪

關後畧沉小左三部俱沉弦尺帶芤此中氣不足木來侮  
土上焦溼熱鬱結成痰下焦血少故大便燥結陰火上衝  
吸門故食不下用四物以生血四君以補氣二陳以祛痰  
三合成劑加薑炒黃連枳實括蕪仁六君四物合小  
陷胸湯可法少加  
砂仁又間服潤腸丸或服丹溪墜痰丸半年服前藥百貼  
而全愈

一婦年近五十身材畧瘦小勤於女工得膈噎症半年矣飲  
食絕不進而大便結燥不行者十數日小腹隱隱然疼痛  
六脉皆沉伏以生桃仁七箇令細嚼杵生韭汁一盞送下  
作血  
瘀治片時許病者云胸中畧見寬舒以四物六錢加括蕪

仁一錢。桃仁泥半錢。酒蒸大黃一錢。酒紅花一分。煎成。正藥一盞。取新溫羊乳汁一盞。合而服之。半日後。下宿糞。若干。明日腹中痛止。漸可進稀粥。而少安。後以四物出入。加減。合羊乳汁。服五六十貼而安。

古朴治一人患噎。人咸意其不起。古朴視。以此正合丹溪胃口乾槁之論。例五膈寬中平胃散。病在不治。若能滋陰養血。補脾開胃。加之竹瀝。以清痰。入乳以潤燥。庶或可生。其家依法治之而愈。

汪石山治一人形瘦而蒼。年踰五十。診其脉皆弦澀而緩。尺脉浮而無根。曰尺脉當沉反浮。所主腎水有虧。其餘脉皆

弦澹而緩者。弦脉屬木。澹爲血少。緩脾脉也。以脉論之。此係血液枯槁。而有肝木凌脾。非膈則噎也。問之胸膈微有礙。曰。不久膈病成矣。病成非藥可濟。後果病膈而卒。

一人瘦長而色青。性剛急。年三十餘。病反胃。每食入良久復出。又嚼又嚥。但不吐耳。或作氣治。而用丁香藿香。或作痰治。而用半夏南星。或作寒治。而用薑附。俱罔效。汪脉之皆緩弱。稍弦。曰。非氣非痰。亦非寒也。乃肝凌脾之病。經云。能合色脉。可以萬全。君面青。性急。肝木盛也。脉緩而弱。脾土虛也。遂用四君子湯。加陳皮神曲。少佐薑炒黃連。以泄氣。逆月餘愈。

一人年踰六十形色紫平素過勞好飲病膈食至膈不下則就化爲濃痰吐出食肉過宿吐出尚不化也初臥則氣壅不安稍久則定醫用五膈寬中散丁沉透膈湯或用四物加寒涼之劑或用二陳加耗散之劑罔效汪診之脉皆浮洪弦虛曰此大虛症也醫見此脉以爲熱症而用涼藥則愈助其陰而傷其陽若以爲痰爲氣而用二陳香燥之劑則益耗其氣而傷其胃是以病益甚也況此病得之酒與勞酒性酷烈耗血耗氣莫此爲甚又加以勞傷其胃且年踰六十血氣已衰脉見浮洪弦虛非吉兆也宜以人參三錢白木歸身麥冬各一錢白芍八分黃連三分乾薑四分黃



苓五分。陳皮七分。香附六分。煎服五貼。脉斂而膈頗寬。飲食亦進矣。

吳芩山治一婦人患宿痰嘔吐作噎膈。治以陳皮、海粉、枳實、白朮、香附、半夏。麴愈。後以清氣化痰丸常服。其患不復舉矣。

江應宿治一老婦近七旬。患噎膈胃脘乾燥。屬血虛有熱。投五汁湯二十餘日而愈。其方：蘆根汁、藕汁、甘蔗汁、牛羊乳、生薑汁少許。餘各半盞。重湯煮溫。不拘時徐徐服。

# 欬逆

欬逆連屬不絕。俗謂之呃忒。是也。噦者即乾嘔也。胃氣逆為乾嘔。呃逆是肺病。戴復菴云。傷寒發呃。或有熱症。雜病發呃。本屬虛寒。

壺仙翁治鄉進士許崇志病餽逆醫以雄黃烟燻其鼻倏然

目暗火熱劇甚召翁診之曰此得怒氣傷肝肝氣上逆而

餽木挾相火直中清道經云木鬱達之即投以湧劑更為之疎肝平

氣數服而愈所以知崇志病者切其脉左關沉而弦右寸

微而數沉弦為鬱微數為熱鬱不行故病餽逆此怒氣所

生也丹溪曰諸逆冲上皆屬于火然亦有數者不同或淡或食或汗吐下後或中氣大虛或陽明失下或痢後

胃虛陰火上冲清道宜細閱韋繩治法

有病癰亂吐痢垂困忽發欬逆半月間遂至危始一醫云凡

傷寒及久病得欬逆皆惡候投藥不效者灸之愈遂令灸

之火至肌欬逆隨定元豐中壺為鄜延經畧使有幕官張

平序。病傷寒已困欬逆甚氣已不屬。忽記灸法試令灸之。

未食頃遂瘥其法乳下一指許足陽明乳根穴正與乳相直骨間

陷中婦人卽屈乳頭度之乳頭齊處是穴艾炷如小豆大

灸三壯男左女右只一處火到肌卽瘥若不瘥則多不救

矣灸法

丹溪治一老人素厚味有久喘病作止不常新秋患痢食大

減數日欬逆作脉豁大痢見呃逆從補况脉大耶仲景云大則爲虛以其形瘦

可治用參朮湯下大補丸以補血至七日而安

一女子年踰笄性躁味厚暑月因大怒而欬逆怒見呃逆治痰從吐每

作一聲則舉身跳動神昏凡三五息一作脉不可診視其

形氣實以人參蘆二兩煎飲大吐頑痰數碗大汗昏睡一日而安

虞恒德治一人病傷寒陽明內實醫以補藥治之而成發欬逆十日後召虞診其脈長而實大與大承氣湯大下之熱退而欬亦止傷寒陽明內實失下

一人得傷寒症七日熱退而欬連聲不絕舉家徬徨召虞診其脈皆沉細無力人倦甚以補中益氣湯作大劑加炮薑附子一錢一日三貼兼與灸氣海任穴乳根胃穴三處當日欬止脈亦充而平安胃虛

呂元膺治一人病噦十餘日諸醫以附子丁香等劑療之益

甚切其脈陽明大而長右口之陽數而躁因告之曰君之噦卽古之欬逆由胃熱而致或者失察反助其熱謾矣飲以竹茹湯未終劑噦止胃火

寶鑑治一人中氣本弱病傷寒八九日醫見其熱甚以涼藥

下之又食梨三枚痛傷脾胃四肢冷時發昏憤脈動而中

止有時自還乃結脈也心亦悸動欬逆不絕丹溪云此症唯傷寒痢疾

胃氣虛衰為至重色變青黃精神減少目不欲開蹠足惡人語以

炙甘草生薑桂枝人參生地阿膠麥門冬麻仁大棗水煎

再服而愈傷寒下後

# 吞酸吐酸

琇按酸乃肝味是症多由肝經火鬱如食物遇鬱蒸則易酸也

丹溪治一人因心痛久服熱藥多兼患吞酸以二陳湯加芩連白朮桃仁郁李仁澤瀉服之累湧出酸苦黑水如爛木耳者服久心痛既愈酸仍頻作有酸塊自胸膈間築上咽喉甚惡以黃連濃煎冷俟酸塊欲上與數滴飲之半日許下數次而愈乃罷藥淡粥調之一月時已交春節旬餘中脘處微脹急面帶青氣急喘促時天尚寒蓋脾土久病衰弱木氣行令此肝凌脾也急以索矩六和湯與之四日而安。

薛已治一儒者面色痿黃胸膈不利吞酸噯腐恪服理氣化痰之藥大便不實食少體倦此脾胃虛寒用六君加炮薑木香漸愈更兼用四神丸而元氣復此症若中氣虛弱者用人參理中湯或補中益氣加木香乾薑不應送左金丸或越鞠丸若中氣虛寒必加附子或附子理中湯無有不愈。

一上舍飲食失宜胸腹膨脹噯氣吞酸以自知醫用二陳枳實黃連蒼朮栝皮之類前症益甚更加足指腫痛指縫出水薛用補中益氣加茯苓半夏治之而愈若腿足浮腫或焮腫寒熱嘔吐亦用前藥。

# 痞滿

琇按案中與後腫脹亦無甚區別

東垣治一貴婦八月中先因勞役飲食失節加之憂思病結

痞心腹脹滿且食則不能暮食兩脇刺痛

琇按兩脇刺痛終是木氣乘土

診其脉弦而細至夜濁陰之氣當降而不降膜脹尤甚大

抵陽主運化飲食勞倦

琇按先生平生只主此四字

損傷脾胃陽氣不

能運化精微聚而不散故為脹滿先灸中脘乃胃之募穴

引胃中生發之氣上行陽道又以木香順氣湯助之使濁

陰之氣自此而降矣

滑伯仁治一人病肺氣焦滿視之曰病得之多慾善飲且殫



營慮中積痰涎外受風邪發為喘喝痰咳不能自安為製  
清肺泄滿降火潤燥苦辛等劑而愈

一人苦胸中痞滿憤憤若怔忡狀頭目昏痛欲吐不吐忽忽  
善忘時一臂偏痺脉之關已上漚而滑按之沉而有力曰  
積飲滯痰橫於胸膈益得之厚味醇酒肥膩炙煇蓄熱而  
生溼溼聚而痰涎宿飲皆上甚也王冰云上甚不已吐而  
奪之治法宜吐候春日開明如法治之以物探吐喉中須  
與大吐異色頑痰如膠飴者三四升一二日更吐之三四  
次則胸中洞爽矣

羅謙甫治真定趙客六月間乘困傷溼麪心下痞滿躁熱時

作臥不安宿於寺中僧以大毒熱藥數十丸下十餘行痞  
稍減越日困睡爲盜劫其貲心動遂躁熱而渴飲水一大甌  
是夜臍腹脹痛僧再以前藥復下十餘行病加困篤四肢  
無力躁熱身不停喜冷水米穀不化痢下如爛魚腸腦赤  
水相雜全不思食強食則嘔痞甚於前噫氣不絕足脢冷  
小腹不任其痛羅診脉浮數八九至按之空虛曰予遡流  
尋源蓋暑熱已傷正氣以有毒大熱之劑下之一下之後  
其所傷之物已去而無餘矣遺巴豆之氣流毒於腸胃間  
使嘔逆而不能食胃氣轉傷而然及下膿血無度大肉脫  
下皮毛枯槁脾氣弱而衰矣舌上赤澁口燥咽乾津液不

足下多亡陰之所致也。陰既已亡，心火獨旺，故心胸躁熱，煩亂不安。經曰：獨陽不生，獨陰不長。天之由也。遂辭去。易一醫不審脈，究原惟見痞滿，卽以枳殼丸下之，病濼喘滿，利下不禁而死。金匱云：不當下而強下之，令人開腸洞泄，便溺不禁而死。此之謂也。

虞恒德治一人，年三十餘，身材肥盛。夏秋間因官差勞役，至冬得痞滿症，兩脇氣攻胸中，飽悶不能臥，欲成脹滿症。歷數醫皆與疎通耗散之藥，不效。十一月初旬，虞診兩手關前皆浮洪而弦，濇兩關後脈皆沉伏。此膈上有稠痰，脾土之氣敦阜，肝木鬱而不伸，當用吐法。木鬱達之之理也。柰

值冬月降沉之令未可行此法。且與豁痰疎肝氣瀉脾胃  
敦阜之氣用平胃散加半夏青皮茯苓川芎草龍膽香附  
砂仁柴胡黃連瓜蒌仁等藥。病退十之三四。待次年二月  
初旬爲行倒倉法安。

石山治一人年踰三十病中滿朝寬暮急屢醫不效。汪診視  
脉浮小而弦按之無力。曰此病宜補。人參二錢白朮茯苓  
各一錢黃芩木通歸尾川芎各八分。梔子陳皮各七分。厚  
朴五分煎服。且喻之曰。初服畧脹久則寬矣。彼疑氣無補  
法。汪曰。此俗論也。氣虛不補則失其健順之常。痞滿無從  
消矣。經曰。塞因寒用。正治此病之法也。服之果愈。

一人長瘦體弱病左腹痛滿穀氣偏行於右不能左達飲食  
 減大便滑汪診其脉浮緩而弱不任尋按曰此土虛木實  
 也用人參補脾枳實泄肝佐以芍藥引金泄木輔以當歸  
 和血潤燥加厚朴陳皮以寬脹兼川芎山梔以散鬱服十  
 餘貼稍寬因糞結思飲人乳汪曰恐大便滑耳果然遂停  
 乳仍服前藥每貼加人參四五錢後思香燥物曰脾病氣  
 結香燥無忌也琇按香燥無忌與前潤燥矛盾每日因食燥梔琇按梔一何嘗燥  
 二十枚炙蒸餅十數片以助藥力年餘而安

項彥章治一人病胸膈壅滿甚篤昏不知人醫者人人異見

項以杏仁薏苡之劑灌之立甦繼以升麻黃芪桔梗消其

一誤下結胸成痞  
以滑信古人不我欺

脹服之踰月瘳所以知其病者以陽脉浮滑陰脉不足也  
浮爲風滑爲血聚始由風傷肺故結聚客於肺陰脉之不  
足則過於宣逐也諸氣本乎肺肺氣治則出入易菀陳除  
故行其肺氣而病自巳

江汝潔治程秋山夏末因腹內有滯氣醫用硝黃之類下之  
遂成脹滿之症江診其脉右關舉按弦緩無力餘脉弦緩  
按之大而無力經曰諸弦爲飲爲勞爲怒又曰緩而無力  
爲氣虛又曰大而無力爲血虛又曰脹滿者浮大則吉據  
脉論症則知弦爲木緩爲土木來侵土熱脹無疑也且此  
時太陰溼土主令少陽相火加臨溼熱太盛疾漸加劇急

宜戒怒却厚味斷妄想待至五氣陽明燥金主令客氣燥  
金加臨疾漸減可治須大補脾土兼滋肺金更宜補中行  
溼以薏苡三錢白朮蓮肉各二錢人參茯苓山藥各一錢  
赤豆一錢半水煎熱服一服是夜能轉動次早即視見臍  
二服脹消大半

州守王用之先因肚腹膨脹飲食少思服二陳枳實之類小  
便不利大便不實咳痰腹脹用淡滲破氣之劑手足俱冷  
此是三陰虛寒之症用金匱腎氣丸不月而康

一男子胸膈痞悶專服破氣之藥薛曰此血虛病也血生於  
脾土若服前藥脾氣弱而血愈虛矣不信用內傷藥吐血

而歿。

# 腫脹

琇按靈樞十二經皆有脹病。

丹溪治一人嗜酒病瘧半年患脹滿脉弦而濇重取則大手足瘦腹狀如蜘蛛以參朮爲君當歸芍藥川芎爲臣黃連陳皮茯苓厚朴爲佐生甘草些少日三次飲之嚴守戒忌一月後汗而瘧愈又半月小便長而脹退

一人年四十餘嗜酒大便時見血春患脹色黑而腹大形如鬼狀脉濇而數重似弦而弱以四物加苓連木通白朮陳皮厚朴生甘草作湯服之近一月而安。



一人因久病心痛咽酸治愈後至春中膝微脹面青氣喘意謂久病衰弱木氣凌脾以索矩三和湯而安

琇按此案與吞酸首條之

尾同

一女子稟厚患胸腹脹滿自用下藥利十數行脹滿如故脉皆大按則散而無力朱曰此表証反攻裏當死賴質厚時又在室可救但壽損矣以四物湯加參朮帶白陳皮炙甘草煎服至半月後尚未退自用蘿蔔種煎浴二度又虛其表稍增事急矣前方去芍藥地黃加黃芪倍白朮大劑濃煎飲之又以參朮爲丸吞之十日後如初病時又食難化而自利以參朮爲君稍加陳皮爲佐又與肉豆蔻訶子爲臣

山查爲使粥丸吞之。四五十貼而安。

一人因久瘧腹脹。脉微弦。重取濇。皆無力。與三和湯。三倍木。

入薑汁。數貼而瘧愈。小便利。腹稍減。隨又小便短。此血氣。

兩虛於前方。入人參牛膝歸身尾。大劑百貼而安。

俞仁叔年五十。患鼓脹。自制禹餘糧丸服之。診其脉弦濇而。

數。曰。此丸新製。煨煉之火邪尚存。溫熱之藥太多。宜有加。

減。不可徒執其方。琇按。據脉乃陰虛內熱。而爲臌脹。誤服燥石以死。與中熱門內。倉公論齊王侍

醫止。俞歎曰。今人不及古人。此方不可加減。服之一月口。

鼻見血而死。琇按。可爲泥古之鑒。

項彥章治一女。腹痛脹如鼓。四體骨立。衆醫或以爲娠。爲蠱。

自作聰敏。宜火死矣。

爲瘵也。診其脉告曰：此氣薄血室。其父曰：服芎歸輩積歲  
月，非血藥乎？曰：失於順氣也。夫氣道也，血水也，氣一息不  
運，則血一息不行。經曰：氣血同出而異名，故治血必先順  
氣。俾經隧得通而後血可行，乃以蘇合香丸投之。三日而  
腰作痛，曰：血欲行矣。急治芒硝、大黃峻逐之，下汚血纍纍，  
如瓜者可數十枚而愈。其六脉弦滑而且數，弦爲氣結滑  
爲血聚實邪也。故氣行而大下之。又一女病，名同而診異。項  
曰：此不治法。當數月死。向者鍾女脉滑爲實邪，今脉虛元  
氣奪矣。又一女子病亦同，而六脉獨弦。項曰：真藏脉見法  
當踰月死，後皆如之。

茶商李富人。也啖馬肉過多。腹脹。醫以大黃巴豆治之。增劇。  
項診之。寸口脉促。而兩尺將絕。項曰。胸有新邪。故脉促。宜  
引之上。達今反奪之。誤矣。急飲以湧劑。且置李中。坐使人  
環旋。頃吐宿肉。法奇仍進神芎丸。大下之。病去。

徐希古。治游擊將軍楊洪疾。於口外。蠱滿喘甚。方春木令。王  
土受伐。金不能制。當補中氣。毋事疏利。議不與衆。合藥至  
百五十餘貼。乃效。遂漸平復。

徐可豫。治郭推府。腹臏脹。體弱瘠。足不任身。徐診脉曰。病始  
弗劇。殆醫過耳。病由怒傷肝。肝傷在法。當補補而元氣完。  
邪必自潰。醫不知此。泄以苦寒劑。下虛不收。濁氣干上。故

愈泄病愈熾。猶幸脉未至脫。非緩以旬月不能也。既投藥。漸平復。

虞恒德治一族兄。素能飲酒。年五十得腫脹病。通身水腫。腹脹尤甚。小便澀而不利。大便滑泄。召虞治。虞曰。若戒酒。色鹽醬。此病可保無危。不然。去生漸遠。兄曰。自今日戒起。子以丹溪之法。而以參朮為君。加利水道。制肝木。清肺金。等藥十貼。而小水長。大便實。腫退而安。又半月。有二從弟。平日同飲酒者。曰。不飲酒者。山中之鹿耳。我與兄。水中之魚也。鹿可無水。魚亦可以無水乎。三人遂痛飲。沉醉而止。次日病復作。如前。復求治。虞曰。未可為矣。挨過一月而逝。

勸人開酒。控入生  
也。能益友。實損友

公熱上攻在頭宜探

一人得腫脹病亦令戒前四事用前法服藥五十貼而愈頗  
安五年一日歎曰人生不食鹽醬與死等爾遂開鹽十數  
日後舊病大作再求治不許又欲行倒倉法虞曰脾虛之  
甚此法不可行於今日矣踰月膨脹而死虞用丹溪之法  
治腫脹愈者多矣不能盡述特書此二人不守禁忌者以  
為後人病此者之元龜

傳滋治一人能大滄食肉必泄忽頭腫目不可開膈如築足  
麻至膝惡風陰器挺長脉左沉重取不應右短小却和滑  
令單煮白朮湯空心服探吐之以盛于上故宜吐之後以  
白朮二錢麻黃川芎各五分防風三分作湯下保和丸五

十九吐中得汗上截居多腫退眼開氣順食進以前方去  
麻黃防風加白朮三錢木通甘草各五分下保和丸五十  
丸五日而安。

一婦素多怒因食燒肉面腫不食身倦脉沉濇左豁大此體  
虛有痰所隔不得下降當補虛利痰爲主每早以二陳加  
參朮大劑與之探出藥琇按亦用吐法辰時後用三和湯三倍朮  
睡後以神祐丸七七九撓其痰一月而安。

壺仙翁治瓜洲趙按察病臃脹不能食洩遺血衆醫以爲熱  
下以大黃之劑神乏氣脫而不能寐召翁診其脉告曰病  
得之勞傷心血久則脾胃俱傷所以知按察之病者切其

脉時左寸沉右寸過左一倍兩關弦濇尺反盛不絕蓋煩勞不勝則逆鬱而不通不通則不能升降而作臌脹臌脹則不食肉沸而不下則關橐閉而洩且不輸故洩遺血乃

和以大補之劑兼五鬱之藥不數日而愈越三月後復作

如前治立除秀按此案再見第九卷淋閉門第一頁

薛已治儒者痢後兩足浮腫胸腹脹滿小便短少用分利之

劑遍身腫兼氣喘非水腫而分利之則氣愈傷而喘作薛曰兩足浮腫脾無

下陷也胸腹脹滿脾虛作痞也小便短少肺不能生腎也

身腫氣喘脾不能生肺也用補中益氣湯加附子而愈半

載後因飲食勞倦兩日浮腫小便短少仍服前藥頓愈



欽天監臺官張景芳。成化丁酉七月間領朝命往陝西秦邸興平王治葬。悵至中途偶得腹脹之疾。醫莫能療。寓居臥龍寺。待盡而已。抵夜見龐眉一叟。忽過訪。自云能治此疾。延視兩手脉。卽曰投一方。以杏仁、陳皮、海螵蛸等分爲細末。佐以穀樹葉、槐樹葉、桃枝各七件。至翌日正午時汲水五桶煎三四沸。至星上時再煎一沸。患者就浴。令壯人以手湯中按摩臍之上下百數。少時轉失氣。病卽退矣。張如其法。黎明此老復至。病去十之七八矣。酬以禮物俱不受。是夕腫脹平復。此老更不復見矣。或謂張景芳遇仙云。客

治水腫加治之方也。

反加嘔。又胃不和。皆可也。

象山縣村民有患水腫者。咸以為祟。訊之卜者。卜者授以此

方。良效。用田螺、大蒜、車前草。和研為膏。作大餅。覆於臍上。

水從便旋而出。數日頓愈。琇按此方又治大小便不通。見淋閉門。

一人客游維揚。患腹脹百藥無效。反加胃嘔。食減。疰羸。有一

澤醫。自謂能治此疾。躬煎藥餌以進。服之。便覺爽快。熟寐。

踰時。溲溺滿器。腫脹漸消。食知其味矣。因訪其方。曰。客富

商也。酒色過度。夏多食冰。浸瓜果。取涼太過。脾氣受寒。故

有此證。醫復用寒涼。重傷胃氣。是失其本也。安能去病。吾

以丁香、木香、官桂健脾和胃。肺氣下行。由是病除。無他術

也。若澤醫亦可謂有識鑒矣。

一人病氣蠱四肢不浮惟腹膨脹大戴原禮所謂蜘蛛病是也進泄水之劑病轉劇時值炎暑或進以清暑益氣當煎藥時偶墮蜘蛛腐熟其中童子懼責潛去蜘蛛尋以藥進病者鼻聞藥香一啜而盡少間腹中作聲反覆不能安枕家人疑藥之誤用然也既而洩溺斗許腹脹如削康健若平日矣此偶中者故志之

續醫說

汪石山治一人年踰四十春間患脹醫用胃苓湯及雄黃傳貼法不效汪診視脉皆緩弱無力曰此氣虛中滿也會通利否曰已下五六次矣曰病屬氣虛醫顧下之下多亡陰是謂誅罰無過也故脉緩知其氣虛重按則無知其陰亡

陽虛陰亡藥難倚仗八月水土敗時實可慮也病者曰不  
與藥病不起耶嘗聞脹病臍突不治肚上青筋不治子病  
今無是二者可慮謂何汪曰然但久傷於藥故且停服言  
歸如期而歿琇按病不可治則勿  
與藥業醫者宜知之

一婦形弱瘦小脉細濡近駛又一婦身中材頗胖脉緩弱無  
力俱病鼓脹大如箕垂如囊立則垂墜遮攔兩腿有礙步  
履汪視之曰腹皮寬縱已定非藥可斂也惟宜安心寡慾  
以保命耳後皆因產而卒或曰病患鼓脹有孕謂何汪曰  
氣病而血未病也產則血亦病陰陽兩虛安得不亡又一  
婦瘦長蒼白年五十餘鼓脹如前頗能行立不耐久遠越

一 十餘年無恙恐由寡居血無所損故能久延

一 婦年踰四十瘦長善飲診之脉皆洪滑曰可治脉訣云腹脹浮大是出厄也得溼熱太重宜遠酒色可保終吉遂以香連丸令日吞三次每服七八十九月餘良愈

一 人年三十餘酒色不謹腹脹如鼓醫用平胃散廣茂潰堅湯罔效汪診脉皆浮濡近駛曰此溼熱甚也痛遠酒色庶或可生渠謂甚畏煎藥汪曰丸藥亦可遂以枳朮丸加厚朴黃連當歸人參荷葉燒飯丸服一月果安越三月餘不謹復診之曰無能爲矣臍突長二尺餘逾月而卒夫臍突寸餘者有矣長餘二尺者亦事之異故志之

一人年三十餘病水腫面光如胞腹大如箕脚腫如槌飲食  
減少汪診之脉浮緩而濡兩尺尤弱曰此得之酒色宜補  
腎水家人駭曰水勢如此視者不曰通利則曰滲泄先生  
乃欲補之水不益劇耶曰經云水極似土正此病也水極  
者本病也似土者虛象也今用通利滲泄而治其虛象則  
下多亡陰滲泄耗腎是愈傷其本病而增土溼之勢矣豈  
知亢則害承乃制之旨乎遂令空腹服六味地黃丸再以  
四物湯加黃栢木通厚朴陳皮參朮煎服十餘貼腫遂減  
半三十貼而愈

江篁南治一富婦因夫久外不歸胸膈作脹飲食難化腹大

如娠青筋露年五十四天癸未絕大便常去紅六脉俱沉  
小而駛兩寸無力與二朮參苓陳皮山查薏苡厚朴木香  
煎服七劑腹覺寬舒繼以補中除溼開鬱利水出入調理  
兩月而愈

乙巳初夏家君因久喘嗽痰中見血忽小溲短少小腹作脹  
皮膚浮腫思經云肺潮百脉通調水道下輸膀胱又云膀胱  
者州都之官津液藏焉氣化則能出矣是小溲之行由於  
於肺氣之降下而輸化也今肺受邪而上喘則失降下之  
令故小溲漸短以致水溢皮膚而生腫滿此則喘爲本而  
腫爲標治當清金降氣爲主而行水次之以白朮麥冬陳

皮枳殼蘇子茯苓黃芩桔梗猪苓澤瀉桑皮蘇梗出入數服而安。

予次兒素食少五月間因多食楊梅至六月遍身面目浮腫腹亦膨脹用蒼白二朮土炒爲君木通赤茯苓澤瀉爲臣半夏陳皮大腹皮桑白皮白芍桔梗爲佐蘇梗厚朴草果爲使加薑水煎一日二服其查汁加水煎第二服每日用紫蘇忍冬藤蘿蔔種煎水浴一次服四日腫脹消十之八乃用參苓白朮散以生紫蘇煎湯調日服二次小水黃加木通煎湯煎藥六貼去紫蘇加木瓜滑石最後加連翹梔子八貼全愈。